

PITANJA PODNOSILACA PRIJAVA	ODGOVORI
<b>Zajednička pitanja i odgovori za više projekata</b>	
<i>Da li se ovjerene kopije dokumenata koji su izdani u februaru ili martu 2023. godine od strane nadležnih organa mogu priložiti uz aplikacionu formu ili je potrebno vaditi nove? (Obzirom da je datum objave poziva na vašoj web stranici 12.04.2023. godine, da li dokumenti traju da budu izvađeni poslije tog datuma?)</i>	Poštovani, ovjere dokumenata koji su izdani poslije 12.01.2023. godine su prihvatljive.
<i>Da li možemo nabaviti opremu od dobavljača koji nisu u sistemu PDV-a?</i>	Poštovani, Korisnik sredstava ima obavezu da nabavku opreme iz navedenog projekta kojim učestvuje u Javnom konkursu izvrši isključivo od dobavljača koji su PDV-obaveznici
<i>Da li u toku eventualne realizacije projekta možemo mjenjati namjenu utroška sredstava? Npr, da li se može nabaviti druga mašina od one koja je tražena prilikom apliciranja?</i>	Poštovani, Namjena utroška dodijeljenih poticajnih sredstava ne može se promijeniti u toku realizacije projekta bez prethodne pismene saglasnosti Ministarstva.
<i>Imamo nedoumice oko opreme za koju apliciramo na javni konkurs. Oprema nam je iz uvoza, te prilikom uvoza plaćamo PDV. Da li iznos PDV-a ulazi u ukupnu cijenu koštanja opreme? Ako da, može li se taj iznos novčanih sredstava navesti kao % sufinansiranja od strane aplikanta?</i>	Poštovani, PDV je prihvatljiv trošak, taj iznos se može navesti kao % sufinansiranja od strane aplikanta.
<b>PROJEKAT BR. 1: Izgradnja poduzetničkih zona</b>	
<i>Da li su dozvoljeni infrastrukturni radovi van granica obuhvata zone?</i>	Poštovani, Dozvoljeni su radovi samo unutar obuhvata zone.
<i>Da li je prihvatljiv trošak štampanje brošura?</i>	Poštovani, Štampanje brošura nije prihvatljiv trošak. U smjernicama je navedeno da je prihvatljiv trošak koji se odnosi na digitalni marketing zone i MSP smještenih u zoni.
<b>PROJEKAT BR. 2: Izrada dokumentacije za uspostavljanje poduzetničke zone</b>	
<i>Da li možemo aplicirati na izradu dokumentacije za uspostavu zone iako nemamo odluku općinskog vijeća o osnivanju poduzetničke zone?</i>	Poštovani, nažalost, odluka općinskog vijeća o osnivanju poduzetničke zone je obavezan dokument i bez iste ne možete aplicirati na ovaj projekat.
<i>Da li moramo sufinansirati naš projekat izrade dokumentacije?</i>	Poštovani, Sufinansiranje od strane jedinice lokalne samouprave koja aplicira za bespovratna sredstva iz Grant sheme je minimalno 25% od ukupne

	<i>vrijednosti projekta, koja moraju biti osigurana iz vlastitih ili drugih izvora finansiranja u vrijeme podnošenja projektnog prijedloga.</i>
<b>PROJEKAT BR. 3: Poticaj za razvoj obrta i srodnih djelatnosti</b>	
<i>Da li je obavezno sufinansiranje projekta?</i>	<i>Poštovani, za ovaj projekat obavezno učešće podnosioca u ukupnoj vrijednosti projekta je minimalno 30%</i>
<i>U uslovima za učešće na javnom pozivu se navodi najmanje jedan uposlen radnik - interesuje nas da li se vlasnik obrta/srodrne djelatnosti računa kao taj jedan uposlenik ili pored vlasnika mora imati uposlenog radnika da bi uslov bio ispunjen?</i>	<i>Vlasnik obrta se smatra uposlenikom, kao i svaki radnik u istom.</i>
<i>Ako obrt nije PDV obveznik da li zanemarujemo tačku pet ili mora dostaviti rješenje od UIO da nije u sistemu PDV-a ?</i>	<i>Ukoliko obrt nije PDV obveznik, isto dokazuje izjavom koju će potpisati obrtnik i ovjeriti pečatom obrta.</i>
<b>PROJEKAT BR. 4: Poticaj novoosnovanim subjektima male privrede</b>	
<i>Da li je obavezno sufinansiranje projekta?</i>	<i>Poštovani, za ovaj projekat nije obavezno sufinansiranje, ali ukoliko postoji to donosi bodove u skladu sa tabelom za bodovanje koju možete vidjeti u Smjernicama za podnosioce prijava.</i>
<b>PROJEKAT BR. 5: Jačanje konkurentnosti MSP-a</b>	
<i>Imam jedno pitanje vezano za Uvjerenje iz Porezne uprave i izmirenim porezima i doprinosima s obzirom da nismo još platili porez na dobit koji iznosi xxxx,xx KM da li će se uzimati u obzir sve ukupne obaveze ili samo za poreze i doprinose?</i>	<i>Poštovani,</i>  <i>Uvjerenje iz Porezne uprave mora da sadrži klauzulu „da ne postoji porezni dug“, prema tome morate platiti i porez na dobit.</i>
<i>Da li Izjave koje moraju biti ovjerene trebaju biti na memorandumu Firme, i da li se sva dokumentacija ispunjava hemijskom olovkom ili u kucanoj formi?</i>	<i>Poštovani,</i>  <i>Pismo namjere mora biti na memorandumu firme i elektronski popunjeno.</i> <i>Izjave definisane kao prilog VII, VIII i IX mogu biti i ručno popunjene i ne trebaju biti na memorandumu firme.</i>
<i>Poštovani,</i>  <i>Molim vas mozete li mi reći da li će za prioritetnu oblast 1: ulaganje u osnovna sredstva biti priznata ponuda odnosno predračun za kupovinu mašine u Italiji obzirom da sve mašine inače kupujemo tu, tako bi i ovaj put uradili ako može se uzeti u obzir taj predračun?</i>	<i>Poštovani,</i>  <i>predračuni za opremu su prihvatljivi iz svih država.</i>
<i>Poštovani,</i>	<i>Poštovani,</i>

<p>da li obrt mora biti u sistemu PDV-a kao uslov za prijavu na ovaj Javni poziv ?</p>	<p>uslovi prihvatljivosti podnosioca prijava su navedeni u poglavlju 1.4 Smjernica za podnosioce prijava. Subjekti koji nisu u PDV sistemu nisu prihvatljeni kao podnosioci prijava.</p>
<p>Vezano za javni poziv 2023. godinu - možemo li uplatiti avans za opremu nakon objave javnog poziva i prije potpisivanja ugovora o sufinansiranju?</p>	<p>Poštovani, u poglavlju 2.3 Kategorizacija prihvatljivih i neprihvatljivih troškova Smjernica za podnosioce prijava je definisano: Korisnik sredstava će biti dužan pravdati trošak ukupnih sredstava predviđenih za realizaciju projekta, kako vlastitih tako i sredstava grant sheme, sa odgovarajućom dokumentacijom datiranim ne ranije od dana objave Javnog konkursa odnosno 12.04.2023.godine. Dakle, avansna sredstva za realizaciju projekta se mogu uplatiti nakon dana objave konkursa, međutim niko Vam ne može garantovati da će Vaš projekt biti odabran, odnosno da će Ministarstvo potpisati ugovor sa Vama.</p>
<p>Imamo 4 uposlena, ako bi 5. prijavili na neodređeno poslije objave Javnog poziva da li bi nam apilciranje bilo prihvaćeno? Imamo potrebu za novim radnim mjestima, međutim nismo uspjeli prijaviti do dana objave.</p>	<p>Poštovani, U poglavlju 1.4 (Prihvatljivost podnosioca prijave) Smjernica za podnosioce prijava je, između ostalog definisano, da pravo učešća na konkurs imaju subjekti koji:</p> <ul style="list-style-type: none"> <li>- imaju najmanje 5 (pet) zaposlenih na neodređeno vrijeme zaključno sa danom raspisivanja Javnog konkursa.</li> </ul>
<p>Da li mi možete dati odgovor da li pod opremu možemo aplicirati i u repromaterijal?</p>	<p>Ulaganje u repromaterijal nije prihvatljivo po ovom konkursu.</p>
<p>Da li na dokumentima koje treba tražiti od odgovarajućih institucija za ovaj Javni konkurs u svrhu izdavanja istih mora biti navedeno: Za javni konkurs za odabir korisnika grant sredstava tekućeg transfera za Projekat "Jačanje konkurentnosti MSP-a za 2023. godinu"?</p>	<p>Na traženim dokumentima ne mora se naglašavati takva svrha izdavanja. Znači, prihvatljeni su i oni dokumenti koji nemaju takvu svrhu izdavanja, uz obavezu da ispunjavaju ostale tražene uslove navedene u Smjernicama za podnosioce prijava.</p>
<p>Da li se uzima u obzir Sporazum sa Poreznom upravom o obročnom placanju obaveza po osnovu direktih poreza i i doprinosa za prethodni period koji nije uplaćivan redovno, a za koji imamo zaključen sporazum, a vezano za uslov Javnog natječaja - Uvjerenje</p>	<p>Poštovani,</p>

<p><i>od Porezne uprave Federacije BiH o izmirenju direktnih poreza i doprinosa (PIO/MIO i zdravstveno osiguranje) za sve uposlene, sa listom osiguranih osoba za obveznika?</i></p>	<p><i>Ministarstvo ne prihvata Sporazum sa poreznom upravom F BiH o obročnom plaćanju poreznih obveza, obveze prema Poreznoj upravi moraju biti u potpunosti izmirene.</i></p>
<p><i>Javljamo se vezano za prijavu na Javni natječaj za grant sredstva u sklopu Projekta br. 5 (Jačanje konkurentnosti malih i srednjih preduzeća).</i>  <i>Naime, naša tvrtka xxxx d.o.o. sa sjedištem u Federaciji BiH, u većinskom je vlasništvu slovenske tvrtke xxxxx, a suvlasnik sam i ja osobno (BiH državljanin).</i>  <i>Da li to predstavlja problem prilikom prijave na navedeni natječaj?</i></p>	<p><i>Poštovani,</i>   <i>Vaše poduzeće može aplicirati na ovaj javni natječaj s tim da za poduzeće koje je većinski vlasnik Vaše firme ( slovenski XXXX) dostavite Aktualni izvod iz sudskog registra i bilans stanja i bilans uspjeha za 2022.godinu.</i></p>
<p><i>Da li se sufinansiranje od 40% odnosi na dio koji FMRPO obezbjeđuje kao grant sredstva?</i></p>	<p><i>Poštovani,</i>  <i>Podnositelj prijave/MSP je u obavezi da osigura vlastito sufinansiranje u iznosu od minimalno 40% ukupnog iznosa za realizaciju predloženog projekta (<b>minimalno 40% sufinansiranje MSP i maksimalno 60% sufinansiranje grant sheme</b>). Na primjer, ukoliko podnositelj prijave podnosi projekat ukupne vrijednosti od 50.000 KM, vlastito sufinansiranje treba iznositi minimalno 20.000 KM dok finansiranje iz grant sheme može iznositi do 30.000 KM.</i></p>